

上 天 江
盛 樂 土
卷 五 卷

上元江甯鄉土合志卷一

陳垣同志遺書



江甯陳作霖伯雨編

歷史上

第一章 本境疆域沿革

第一節 三代秦漢州郡

黃帝受命披山通道乃推分星野自斗三度至女一度為江南唐虞夏商相繼皆屬揚州周武王有天下封吳國於其地春秋末為越所滅未幾楚滅越置金陵邑金陵之名始此及秦始皇滅楚分天下為三十六郡改金陵邑為秣陵縣屬鄣郡丹陽今小丹陽地錯當塗江乘今譙江城地錯句容皆在境內逮

元甯鄉土志卷一

一

漢武帝元朔元年分丹陽秣陵及湖孰

今上元湖孰鎮為侯國俄

復為縣元封二年更鄣郡為丹陽郡江乘秣陵丹陽胡孰仍隸之五年置十三部刺史以丹陽郡屬揚州東漢因之迄獻帝建安二年孫策據江東揚州地皆屬吳十六年孫權徙揚州治秣陵十七年改秣陵為建業省湖孰江乘二縣二十六年移丹楊郡於建業後遂建都於此案丹楊郡名自徙治金陵後字皆从木與丹陽縣从阜者異

第二節 晉郡縣

晉武帝太康元年平吳改建業為秣陵又分秣陵為臨江縣二年併揚州於秣陵時江北壽春亦設揚州更臨江為江甯在今江甯

鎮 此江甯名縣之始尋分秦淮水北為建業南為秣陵復

置江乘湖熟二縣後以避愍帝諱改建業為建康元帝大

興元年以建康為都城自是至陳皆然二年立懷德縣在

元鍾山鄉以處琅邪國人元帝以琅邪王襲後名費縣成帝咸

和元年徙建康縣治於御街西先是以江乘之金城僑置

南琅邪郡在上元東北今琅邪鄉至是立臨沂縣在上元與費城北

陽都即邱治與臨沂同同隸之咸康元年割江乘實土立南琅

邪郡

第三節 前五代郡縣

宋武帝受禪仍晉舊置丹楊郡建康秣陵丹陽湖熟江甯

元甯鄉志卷一

二

皆隸焉其陽都即邱費三縣並割臨沂及建康為土隸南

琅邪郡文帝元嘉八年省即邱入陽都孝武帝大明三年

改揚州為王畿以南琅邪隸之五年省陽都入臨沂八年

王畿復為揚州齊武帝永明元年移琅邪城於白下梁武

帝天監元年以舊居里為同夏縣今上元長樂鄉陳宣帝太建十

年罷南琅邪郡立建興郡領同夏江乘湖熟臨沂等縣屬

揚州其建康秣陵江甯丹陽等縣仍隸丹楊郡隋文帝開

皇九年平陳廢丹楊郡置蔣州煬帝大業二年省建康秣

陵同夏三縣入江甯又廢丹陽臨沂湖熟三縣三年改蔣

州為丹陽郡以後丹陽郡陽字不從木避國姓也十四年後江南亂丹陽郡

遂爲賊據

第四節 唐州縣

唐高祖武德二年賊帥杜伏威歸附以江甯溧水二縣置揚州復設丹陽等縣更江甯縣爲歸化七年改揚州爲蔣州八年復蔣州爲揚州更歸化爲金陵縣揚州徙治江都自是江南無揚州之名九年徙金陵於白下村曰白下縣隸潤州丹陽隸宣州宣潤二州皆屬江南道太宗貞觀七年移白下縣於冶城東九年更白下縣爲江甯玄宗天寶元年置丹陽郡於潤州今鎮江丹徒縣領江甯句容等六縣肅宗至德二載以江甯縣置江甯郡領江甯句容溧水等縣乾

元元年改江甯郡爲昇州置浙江西道節度使兼江甯軍使以昇州爲治所未幾移潤州上元元年廢江甯縣置上元縣於西州城卽石頭城此上元名縣之始寶應元年廢昇州上元復隸潤州昭宗大順元年復置昇州於上元天復二年昇州入於淮南

第五節 楊吳以後府縣

吳楊氏據淮南置金陵大都督府於昇州析上元南十九鄉當塗北二鄉爲江甯縣上元江甯二縣附郭實始於此南唐承之改金陵府曰江甯遂定都焉宋太祖開寶八年平南唐以江甯府爲昇州眞宗天禧二年升昇州爲江甯

府建康軍節度使治上元江甯二縣高宗建炎元年以建康爲行都三年改江甯府爲建康元世祖至正十三年江南平開省於建康府治設建康路宣撫司上元江甯二縣皆隸之旋改宣撫司爲總管府文宗天厯二年以龍潛舊邸改建康路爲集慶順帝至正十五年明太祖取金陵改集慶路爲應天府領上元江甯等縣如故旋定都爲京師迨成祖永樂間北遷稱南京

國朝順治二年南京歸順改應天府爲江甯上元江甯二縣仍爲所轄今兩江總督及江甯布政提學二司皆以爲治所焉

第二章 本境城垣沿革

第一節 金陵有城之始

金陵在春秋時本吳地未有城邑夫差於鑄劍之地築治

城今朝越滅吳范蠡築城於長干曰越臺在聚寶門外今

地天宮周二里八十步楚威王置金陵邑在今石城清涼二門之間迨漢建

安時孫權因於其地築石頭城而徙屯焉未幾建立吳國

僭稱大帝於黃龍元年築都城於覆舟山側東繞平岡西

控石頭前擁秦淮北帶玄武周迴二十里十九步其正門

曰宣陽在今中正街又南五里至淮水有大航門在今長樂渡處赤烏

十年作太初宮於其中周迴五百丈開八門前五門曰公

車曰昇賢曰明陽曰左掖曰右掖東一門曰青龍西一門曰白虎後一門曰玄武又於宮之後拓苑城在今漢府珍珠橋之間卽六朝之臺城也

第二節 南朝諸城

時丹陽郡移治建業有郡城在淮水南去今武定橋一里無西門揚州

舊治石頭城東晉末移於青溪東南臨淮水名東府城在今

通濟門側別舊治爲西州又有琅邪郡城亦東晉之所置

也初沿江乘旋移白下卽白石壘疑今獅子山北高阜併臺城爲南朝之

五城云

第三節 南朝都城

東晉都城沿吳舊而增築之開十二門南曰宣陽曰開陽

稍東曰清明稍西曰陵陽正東曰東陽曰建春正西曰閭

闔曰西明正北曰玄武曰大夏曰廣莫曰延熙改吳大航

門爲朱雀又繕苑城以爲新宮正南曰大司馬門在今西華門西

大與都城宣陽門對北曰平昌門在今成賢街南口東西二門曰

東掖西掖內有太極殿清暑殿厥後宋齊梁陳皆仍舊惟

改開陽門曰津陽陵陽門曰廣陽廣莫門曰北掖而於臺

城東西開萬春千秋二門後改爲雲龍神虎宋則有含章

明陽芳樂等殿及紫極齋梁則有重雲五明披香等殿陳

則有景陽樓及臨春結綺望仙三閣皆在臺城之中至隋

平江南建康城邑宮闕皆平墾爲田僅置蔣州於石頭城南朝遺迹埽地盡矣

第四節 楊吳南唐至宋都城

唐承隋後州治仍舊中葉時屢廢屢置而城終不改迨楊

吳始廣金陵城周迴二十五里貫秦淮於中西據石城即今

漢西水西二門之間俗呼鬼臉城南接長干即今聚寶門外東連白下橋即今大

北限玄武橋即今北門橋所跨水皆所鑿城濠也今石城覓渡賽工朱

雀中和諸橋城外所跨之水自東關入城至復成竹橋一帶皆是南唐襲位移江甯府治

於宮城東宮城則前俯內橋後至小虹橋東盡昇平橋西

止大市橋今羊市橋內有柔儀殿澄心堂周以護龍河焉今盧妃巷

娃娃橋一帶遺迹尚存宋興置昇州治於宮城內俄升爲江甯府建

炎初高宗駐蹕改建康徒府治於東錦繡坊以府治爲行

宮一切仍南唐之舊惟改內橋爲天津橋而已元於府治

開省無所改作至明乃宏規大起矣

第五節 明都城

明太祖肇建都城拓宋元之舊址惟南門大西水西三門

不改更名聚寶石城三山自舊東門處截濠爲城開廣八

里南與宮城洪武門直對者曰正陽門迤西曰通濟門旁

爲東水關秦淮水入城處也自正陽而北建東門一曰朝

陽自鍾山之麓圍繞而西抵覆舟山建北門曰太平又西

據覆舟雞鳴山緣玄武湖以北至直瀆山而西八里建門
曰神策其間爲北水關以銅管引玄武湖水入於青溪又
折而北西曰金川門西北括獅子山於內雉堞東西相向
建門二曰鍾阜曰儀鳳儀鳳外瀕江潏要津也其西而迤
南者曰定淮門清涼山倚於睥睨間者曰清涼門遂與舊
西二門接石城門南有鐵窗櫺運瀆之水所由以洩者古
之柵寨門也西水關伏三山門下秦淮水穿以出城者也
凡周九十六里云

第六節 都城外郭

都城旣建環以外郭西北則據山帶江東南則阻山控野

闕十有八門東面五曰仙鶴麒麟滄波今譌高橋上方南

面六曰夾岡雙橋鳳臺馴象今譌大安德小安德西面二

曰江東柵欄卽石城關北面五曰上元觀音佛甯外金川姚坊

今譌堯化周一百八十里僅立標識而未及起築卽遷於北至

今岡阜絡繹俗呼爲土城頭者以此

第七節 舊王府城

明太祖初下集慶時居富民王綵帛家旋以元御史臺爲

邸稱吳王府在錦繡坊東內有白虎殿今御街有方磬石卽殿基也及

作新宮於鍾山之陽移居之以邸第賜中山王徐達達不

敢居乃榜以舊內而閉置之至今居民猶呼王府府前街

爲御街云

第八節 明宮城

新宮之址在都城東蓋填前湖而築之

前湖卽太子湖一名燕雀湖梁昭明

遺迹也今既填塞猶留一泓於城外

周以紫禁城正南曰洪武門

今地以正陽門當之

轉而向東者曰長安左門再北曰東華門向西者曰長安右門再北曰西華門正北曰北安門俗稱厚載門此外圍之六門也宮門向南第一重門曰承天門內東太廟西社稷壇二重曰端門端門北有左右闕門古曰象魏三重曰午門午門以內爲大內由魏闕中分而東西者曰左掖門右掖門轉而向東者曰東安門向西者曰西安門正北曰

玄武門此內圍之六門也午門前後有護城河二道橋其上數各五曰內五龍橋外五龍橋其在東長安門外者曰青龍橋在西長安門外者曰白虎橋以象天津之橫貫焉

第九節 明大內

午門之內曰奉天門左曰東角門右曰西角門門皆有樓東角之南曰左順門西角之南曰右順門左順門之南有文淵閣再東有文華殿右順門之西有武英殿奉天門內居中向南者曰奉天殿殿兩旁左向西者曰文樓右向東者曰武樓南北連屬穿堂上有謦金頂者曰華蓋殿殿兩旁東曰中左門西曰中右門再北曰謹身殿殿後居中向

南爲乾清門宮之內門也門外左右金獅各一門內丹陛數重爲乾清宮大殿殿左曰日精門殿右曰月華門殿之東西有斜廊廊之後左曰東煖閣右曰西煖閣皆南向再北則穿堂居中圓殿曰交泰殿滲金圓頂如華蓋殿式再北曰坤甯宮皇后所居也又有二殿曰柔儀春和別殿也以上故宮規制皆據陳沂南畿志舊本及酌中志太子講學處曰大本堂疑在文華殿之側前朝後寢宮城之大概如此成祖北遷燕京宮室猶彷彿金陵之制焉

國朝定鼎駐旗營於其地陵谷變遷今所存者闕門流水殿基蔓草而已

第三章 本境歷朝吏治

第一節 南朝守令

三國以前揚州丹楊迄無定治政績莫得而詳矣晉承吳

後建爲都城若周浚之作牧揚州刺史移鎮秣陵賓禮遺賢庾和之

尹京丹楊尹表除重役是能休養疲氓蘇其困苦者也至於

劉宋之時沈璞由揚州主簿除秣陵令則力除奸猾顧憲之建康令則

政得人和齊之沈瑀揚州從事以治方山埭築赤山塘見其材

幹梁之王志建康令以償寡婦費給百姓粥行其仁恩以及

傅翽之清勤自矢梁建康令蕭引之請託不行陳建康令類皆躬膺

繁劇事不辭難治功爲最著矣

第二節 宋守令

隋唐廢丹楊為支郡守建康者循分守職而已至北宋而

賢哲輩出若張詠之秩滿借留知昇州包拯之聽訟無枉江知

甯府程顥之均田障水以上元主簿攝令事元絳之除盜振饑江甯府推官攝

上元令皆以名臣大儒而推循吏建炎南渡建為行都戡亂

撫民尤資守令導其前者則有劉琪知建康府發常平倉粟以

振荒李闢之知上元縣除濱江田稅以覈實洪遵知建康府斬妄言

惑眾之卒張孝伯知江甯縣停年租額外之徵紹其後者又有

黃度知建康府罷科糴輸送之擾吳淵以江東安撫使兼知建康府策興利

除害之宜馬光祖知建康府制置江東三涖劇邦民安其政程洙上元

主簿誓殉國難視死如歸元兵入建康時粲乎隱隱各得其所也已

第三節 明守令

明代留都勳衛雜處役重民困調劑為難景泰時則有姜

德政知上元縣勸課農桑成化時則有魯崇伊應天府尹加意儒學

王震應天府尹當宏治之際承平已久罷花園夫役千餘人寇

天敘應天府丞值正德之間車駕南巡拒近幸求索以萬計弛

張甚得其宜焉至於王爌之遺愛著錄應天府尹龐嵩之惠民

立莊應天府治中攝尹事程爌之策蹇去位知上元縣汪宗伊之裁革濫

差應天府尹皆著績於嘉隆中葉逮及萬厯以後吏治亦稍稍

替矣而黃承元應天府尹科場恤士賈應龍知上元縣丁銀按田談

自省抗建闡祠應天府尹徐石麒仿行顧役應天府丞無非塵念民瘼駕馭隨時遺澤之長江流俱永云爾

第四節 國初守令

國朝初下江南兵戈不試除前朝之弊政布化維新督撫

司道非一郡所得私不敢濫登簡牘矣若府縣諸吏順治

時則有李正茂

初改應天為江甯時知府事

定賦則之規林天擎

江甯知府

畫旗漢之界趙廷臣

江甯府同知

設長江防剔衛籍丁糧之弊

刁承祖

知上元縣

立雙鴛帖杜收多填少之門招徠撫綏綽有

成績已康熙紀元漢軍于成龍為知府與總督同名而政

能媲美踵其後者施正綸清矯絕俗去任時人投一錢建

雙亭於府署名一文亭陳鵬年廉潔自持始到官即榜門

曰求通民情願聞已過毀南市樓妓寮以其地宣講

聖諭即今講堂大街是後卒以是被劾萬眾環總督署為

之呼冤則循吏之不易為也

第五節 乾嘉以後守令

乾嘉以後俗漸浮華崇儉黜奢長官之責許兆椿禁秦淮

夜遊李璋煜逐冶山妖道

許李皆知江甯府

聯壁

江甯府通判

毀八府

塘淫祠既能矯以持之藍應襲聘名士以修志温綸湛置

義塚以埋齒

藍温皆上元知縣

俞德淵

知江甯縣

居外舍以辦公又復

順以導之而咸豐癸丑之亂本循良為忠節者惟上元知

縣劉同纓一人而已愛民如子有治劇才雖逆賊亦呼以
青天則其生平可想矣大亂甫平公私交困舉衰振廢知
府涂宗瀛實肩任之其措施如恤孤寡課文士疏河洫種
桑茶皆彰彰在人耳目至於今是賴有悉數不能終者爾

上元江甯鄉土合志卷一終

上元江甯鄉土合志卷二

江甯陳作霖伯雨編

歷史下

第四章 本境歷朝兵事

第一節 金陵兵事之始

金陵扼長江之衝綰穀吳楚攻堅守隘勢所必爭其為要害也大矣春秋時楚子重伐吳克鳩茲今蕪湖至於衡山衡山即橫山在今江甯縣東南與太平府當塗錯壤組甲被練未久即退紀載不能詳也至漢末秣陵尉蔣子文逐賊鍾山而死鍾山今紫金山在朝陽太平二門外亦非大戰爭耳然則武功之盛必託始

元甯鄉土志卷二

一

於孫策焉

第二節 孫吳取江東

丹陽太守吳景

丹陽時治曲阿今鎮江丹陽縣

孫策之舅也為揚州刺史

劉繇所逐

揚州時治歷陽今和州

策以折衝校尉率眾助景自江北

行收兵攻橫江當利拔之

橫江當利在今和州江邊

進克牛渚在采石江邊

盡得邸閣糧穀戰具時薛禮據秣陵

今秣陵關

竿融屯縣南皆

依劉繇為盟主策率周瑜呂範等先攻融融敗不出因攻

禮禮突走復下攻融矢傷策股還牛渚營誘賊入伏大敗

之融更堅守策乃舍去由小丹陽

西界當塗今仍舊名轉攻湖熟在上

元東鄉今湖熟鎮

江乘

亦在上元東錯句容界

皆下之以呂範為湖熟相從

定秣陵融因殺禮併其眾奔豫章今江西策遂轉戰而東

據有江表之地弟權因以立國傳四世至皓晉益州刺史

益州今四川省城王濬以舟師入石頭城名今漢西門一帶而吳遂亡由是

晉統一天下越二十餘年而建業今上元縣境有石冰陳敏之

亂

第三節 石冰陳敏之亂

晉惠帝太安二年義陽在今湖廣境蠻張昌反遣其黨石冰寇

揚州今江甯府治刺史陳徽與戰大敗冰入建業今上元縣揚州秀

才周玘起兵討賊傳檄州郡江東響應冰將羌毒來拒玘

擊斬之冰旋為廣陵相廣陵今揚州府陳敏所敗走死敏遂自恃

元甯鄉土志卷二

二

功高陰有據江東之志率眾渡江揚州刺史劉機丹楊內

史丹楊郡治今江甯府王曠皆棄城走敏乃自稱楚公修吳故宮而

居之周玘復與顧榮合謀討敏請兵於揚州都督劉準準

遣劉機出歷陽今和州敏使其弟昶屯烏江今江浦縣西南宏

屯牛渚以拒機周玘密令錢廣殺昶奪其軍還至朱雀橋

南橋跨秦淮水即今南門橋時未有城垣也敏使甘卓率精卒拒廣周玘說卓

背敏卓即斷橋斂舟與玘榮竝軍淮南淮即秦水敏自將萬

人出軍水北榮以白羽扇麾之遂潰今其地名麾扇渡在南門外賽虹橋敏

走江乘獲斬之江東平未幾而晉南渡王敦蘇峻之禍又

作矣

第四節 王敦作逆

晉元帝永昌元年大將軍王敦反於武昌今湖帝之初鎮

江東也敦與從弟導同心輔政後漸恃功驕恣帝稍抑損

其權敦大忿怒舉兵以誅劉隗刁協為名司空王導率宗

族待罪帝赦之以為前鋒大都督下詔討敦加戴淵驃騎

將軍與右衛將軍郭逸築壘於大桁北大桁即朱雀橋浮航在秦淮水上航

同鎮北將軍劉隗軍金城琅邪僑郡所治當在右將軍周

札守石頭敦至建康即建業今欲攻劉隗其將杜宏曰劉

隗死士眾多未易可克不如攻石頭周札少恩兵不為用

攻之必克札敗則隗自走矣敦從之以宏為前鋒攻石頭

札開門納宏敦入據之刁協劉隗戴淵往攻皆大敗帝使

王導勞敦於石頭加敦丞相都督中外諸軍事不受擁兵

三月終不入朝既而還鎮帝憂憤成疾崩太子紹即位為

明帝敦欺帝幼弱逆謀益甚自武昌下屯于湖今蕪帝乃

決意討之

第五節 晉平王敦

大甯二年夏六月加王導大都督以温嶠為中壘將軍與

右將軍卞敦守石頭應詹都督前鋒及朱雀橋南諸軍事

徵兗州今山刺史劉遐臨淮今安徽太守蘇峻入衛京師

即金陵敦聞詔大怒病篤不能自將乃使兄含為元帥秋七

月壬申朔含及錢鳳等水陸五萬犯京師奄至江甯今江甯鎮

在江甯南岸温嶠移屯水北燒朱雀桁以挫其鋒含等不得

渡帝率諸軍屯於南皇堂在宮城內癸酉夜遣將軍段秀募壯

士渡水擊賊敗諸越城今南門外長千里外含率餘眾屯倪塘沿秦

岸時王敦已死敦黨沈充自吳興今湖州府入犯築壘於陵口

在鍾山左近丁亥劉遐蘇峻率精甲至屯於司徒故府在秦淮北岸

乙未夜含鳳自竹格渚渡淮渚在秦淮水轉運瀆曲處今

應詹拒之不利賊長驅至御街宮城外攻臺城六朝宮城在

沈充自青溪來會之溪在今竹橋一帶水進及宣陽門宮城

南門拔柵將戰遐峻從南塘橫擊塘在秦淮北岸大敗之遐

元甯鄉土志卷二 四

又追破沈充於青溪賊遂燒營夜遁是役也蘇峻功甚大
徙為歷陽內史庾亮用事頗有疑忌之心也

第六節 蘇峻作逆

晉成帝咸和二年冬十月詔徵蘇峻為司農峻不奉詔舉

兵反十二月京師戒嚴加庾亮征討都督三年春正月蘇

峻率眾二萬濟自橫江臺軍屢敗陶回謂庾亮曰峻知石

頭有重戍不敢直下必向小丹陽南道步來伏兵要之可

一戰禽也不從峻果由小丹陽趨秣陵迷失道無復部伍

亮聞乃悔之詔尙書令卞壺都督大桁以東諸軍事二月

庚戌峻至覆舟山今太平門內臺軍亦自江路還卞壺督

近接鍾山